


玉堂雜記

宋周必大著



淳熙玉堂雜記卷上

十八日



錢文僖公惟演金坡遺事云舊規學士六人遇聖節共率首三

十緡寺中設齋今送五十千與樞密使同開場前

當時所紀如此近歲樞密院滿散聖節及貢院賜宴則學士

待制皆與而無送錢故事又六參隨樞密班先入止是再拜

不舞蹈并遇宣麻不往皆內朝故事也

金坡遺事又云聖節唐時惟六學士及二使

謂中官樞密使

赴待詔雖

發書屈亦不與坐又云本朝淳化五年十月上賦詩一首

令待詔吳郢張用和齋以示學士張洎錢若水又李昌武宗

諤翰苑雜記學士初授中謝前一日待詔一名至私第宣召入院聽口宣舞蹈訖揖待詔上階相見具酒果迎待即以事例物并書致於待詔前熙寧間司馬文正公日記云初除學士待詔李堯卿宣召設香案褥位於庭望闕堯卿稱有勅光再拜堯卿口宣云云光每句應諾畢再拜舞蹈又再拜升階與待詔坐啜茶蓋中朝舊典也今學士院有待詔四人或右選或白身予為學士忠翊郎錢滋來宣召大略如李馬二公所記而無對揖茶酒之禮例支十千辭云自來虛喝不敢受予強予之常日學士入院坐堂上朱衣吏初贊喝東院錄事

某人以下躬啜訖又喝云各祇候次喝贊西院某人以下亦如之最後卒贊云待詔既不名亦不喝各祇候則待詔與院吏固亦有間若卒居則視之全與吏等無由待以茶酒豈將命時不欲吏之也耶抑祖宗時所遣或翰林它局之待詔邪然唐制發書屈赴聖節禮已厚矣

李仁父燾續通鑑長編開寶二年太祖命李昉盧多遜分直學士院昉前在翰林堂吏因事至者每拜堂下事已即遣未嘗與坐至是拜堂上更展叙中外無復曩日之禮昉愕然詢同列則云數年矣司馬文正公日記云熙寧二年五月癸巳

鎖院以奉安二御容禮成德音降西京囚杖以下放是日丞  
相出中書提點魏孝先以下入院授以叅政趙抃所封御前  
札子茶湯館於虛閣御藥劉有方來茶湯館於門塾復謁御  
厨翰林設食置酒果黃昏進首尾詞內批依此修寫四鼓起  
讀點句攢點進入明日丞相退朝宣訖開院淳熙三年十一  
月八日某被宣草十二日冬祀赦黃昏方至院御藥持御封  
中書門下省熟狀來繫鞵迎于中門同監門內侍一員俱升  
廳御藥先以熟狀授監門供茶湯訖先送御藥出院復與監  
門升廳受熟狀付吏又點湯送監門下階館之門塾而不報

謁既熟狀自內出非叅政所封故提點官不來惟中書門下  
省刑房錄事尚書省刑房主事各一人穿素同至仍舊繫鞵  
見之不迎不送不設茶湯而退守當官四人貼房十數人旅  
揖階下與文正公所記多不同至六年九月十二日復被宣  
草明堂赦御藥張安中監門梁襄相見如儀惟錄事沈煥主  
事李師文茶而不湯院吏云前不設茶誤也守當官等不復  
廷揖所謂酒饌之賜今皆無之詰朝奏知先出而吏卒輩皆  
三日後宣赦訖乃得歸

太上初遜位上尊號時陳丞相康伯當國集議定命學士洪景

嚴遵撰議文然後降詔某時任察官心知其非而無由改乾道六年郊祀禮成加上尊號某在翰苑始引唐故事乞上帥羣臣過宮表請既允然後降詔國朝止有人主上母后尊號故冊文稱嗣皇帝靖康上前教主道君之號徐丞相處仁已命汪彥章藻代作冊文會有疆事不及行禮紹興三十二年初上與德壽尊號乃象例用嗣皇帝朝道六年上既表乞加上尊號而院吏寫表亦稱嗣皇帝私謂未安謹按唐明皇傳位後顏真卿議肅宗不當於宗廟稱嗣皇帝况親奉表德壽乎以白虞丞相允文丞相難之必令尋例某思建炎以

後遇節朔遙拜徽宗表是時翰苑多名士必不誤用用督吏搜舊牘明日果得表本一冊止稱皇帝又按韓文順宗實錄載憲宗上順宗尊號冊文亦稱皇帝臣某最此可據其議遂定是歲初議於太上皇帝尊號中加憲天體道四字皇后加慈明二字某草詔云太上皇帝與天同大體道之宗太上皇后如月之明以慈為寶蓋取文意之順耳將宣布而議者謂天聖二年賜太宗女國大長公主謚曰慈明當避於是改用明慈二字宰執云詔書先明而後慈殆默定也某與同直院鄭仲益聞既分草皇帝請加上太上皇帝皇

其後尊號牋表諸公謂太上皇帝自當答詔頗疑上皇后難於措詞某請以意共為答詔文意所及總言父母以該之而不稱予吾之類遂草以進上甚以為然凡兩答詔皆其所草也

上於文字尤欲得體一覽便見是非某草同太上辭尊號第一詰其末云怡神問燕何力之有上曰此雖道重太上語畢竟自此起草送去何力之句不能無嫌某遂改作無累於物蓋用上用意至到如此

淳熙二年六月禮部太常寺申來年太上皇帝當慶七十欲

將國朝加上尊號并上壽典禮參酌比附先次討論壬申有旨恭依七月乙酉侍從禮官等就都堂議加性仁立德至神無為八字而皇后再加二字為齊明廣慈後兩日禮部趙侍郎雄謂無為二字與太上字相連頗涉語忌請改為明武煥文其後又嘗作無為至神又作成武煥文逮癸卯乃定用性仁立德無為全美參政龔寔之茂良而下尚不以為然葉丞相衡既主之眾莫能奪八月直院胡長文元質罷丁卯上自用某再直已擬詔草會九月乙未葉丞相罷龔參首招予及學士王季海淮共議然後定為性仁誠德經武緯

文遂草宣布詔其頌太上皇帝云以德行仁本性誠之固  
有修文偃武合經緯之自然  
太上皇后云月齊日以得天而能久照坤順乾而配地是以  
廣生到上再三稱獎謂數句用經語該括明備非卿不能為  
真大手筆也  
大禮降御札既云札示則當親筆付外近歲同常詔後院史寫  
本行出未知中朝舊事如何乾道九年六月七日宣當直學  
士草南郊御札三更進草其間云乾清坤夷振四方之綱  
紀星暉海潤兆百世之本支玉卮每奉於親闈瑞節歲交於

### 隣境

上改作農卮屢豐戎軒載載崇禮樂而四達嘉風俗而再淳  
玉卮每奉於親闈美化遂形於海宇仍批云可改簽抹者五  
句意不近於郊祀其欲得體大率如此  
淳熙六年三月丁卯詔今歲郊祀以例約束省費旋有旨未  
令行出下禮部太常寺議明堂大禮初李仁父主此說於前  
郊嘗經集議會近習揚言燾博極羣書却不曾讀孝經乃不  
果行至是某以禮部尚書兼翰林學士與諸儒議曰周公雖  
攝政而主祭則成王王方幼冲故周公參稽古制藏事於明

堂其曰嚴父者指周公能推本武王之志追尊文王之功非謂自主其祭祀也衆以為然遂奏臣等竊觀載傳黃帝拜祀上帝於明堂唐虞祀五帝於五府歷時既久其詳莫得而聞至禮記始載明堂位一篇言天子負斧依南鄉而立內之公侯伯子男外之蠻夷戎狄以序而立故曰明堂也者明諸侯之尊卑也孟子亦曰明道者王者之堂也周禮大司樂有冬至圜丘之樂夏至方丘之樂宗廟九變之樂三者皆大祭祀惟不及明堂豈非明堂者布政會朝之地成王時嘗於此歌我將之頌宗祀其祖文王乎後暨漢唐雖有沿革至于祀帝

而配以祖宗多由義起未始執一本朝 仁宗皇祐中破諸儒異同之論即大慶殿行親享之禮並侑祖宗從以百神前期朝獻景靈宮享太廟一如郊祀之制 太上皇帝中興斟酌家法舉行於紹興之初亦在殿庭蓋得聖經之遺意且國家大祀有四春祈穀夏雩祀秋明堂冬郊祀是也 陛下即位以來固嘗一講祈穀四躬冬祀惟合宮雩壇之禮猶未親行今若特舉秋享於義為允臣等謹據已行典禮及將前代賀循 本朝名儒李泰伯范鎮明堂嚴祖說并治平中呂誨司馬光等集議近歲李燾奏劄具錄以聞乙亥有 旨從之

九月上辛以顯肅后忌前改用仲辛行禮辛酉當受誓戒  
前一日上語宰執足指瘡腫恐妨拜跪欲展辛又值顯  
恭后忌如何宰執奏天地尊后忌卑遂降旨用二十六日  
某按漢武太初太始征和中屢祀明堂不專用辛方請別卜  
詰朝上忽遣中使諭旨都堂夜來傳藥足瘡良愈不必  
改日但已展誓戒之期若再降旨不張皇否趙相奏此却  
無妨遂以是日午時集官受誓戒丙寅大雨丁卯鎖院草赦  
戊辰百執事冒雨入麗正門過後殿請皇帝致齋己巳  
上乘逍遙車期獻景靈宮入太廟宿齋四日之間兩晝夜傾

注通衢殆如溪澗有旨來早不乘玉輅止用逍遙車徑入  
北門趨文德殿致齋朝服導駕官皆改常服應儀仗排立人  
並放趙相為大禮使密諭有司未得放散黃昏後雨驟止夜  
分內侍李思恭傳旨御史臺閣門太常寺仍舊乘玉輅應合  
行事件疾速施行庚午昧爽駕來登輅某執綬上喜曰且  
得晴霽辛未行禮月色如晝上拜起不倦以迄於成黎明  
登樓肆赦簪花過德壽宮人情熙然赦書乃某草其間云  
惟周成宗祀洛中陟配於文王惟漢武合祠汶上推嚴於高  
帝皆用親郊之禮具殫尊祖之誠於鑠本朝若稽前代倣經

路寢有皇祐之彝徧秩羣神有紹興之近制不愆於素可舉而行蓋欲明著古禮以示來世也後數日加恩羣臣某復草趙相制云裸將太宮霖潦驟霽陞恪大寢月華正中又云鎮定太事如彥博之恢宏貫通羣經如宗庠之博洽皆紀一時之事且以仁宗初行明堂二公實為相也  
大禮赦條乃六部諸司條具上省省中類聚取旨訖即進熟狀降付學士院草赦文本院并首尾詞大書進入其間多云當議將上取旨蓋有司擬申如此既經畫旨行赦便是處分不應仍舊用當議二字某為學士諭令削去院吏持不敢遂

親以筆塗之

大禮上乘玉輅率命翰林學士執綏備顧問近歲多闕正員臨時選差宅官與五使同降旨淳熙丙申南郊已亥明堂某再為之按京師用唐顯慶輅嘗以登封其安固可知元豐改造已不能及今乃紹興癸亥歲所製上有太廟服通天冠絳紗袍乘輦至輅後由木陛以登惟留御藥二官者侍立執綏官先後旁用小梯攀緣而上衛士以絲繩圍腰繫於箱柱輅行頗搖兀宸几亦覺危坐云  
大禮後上御樓揭雞竿肆赦皇太子及文武百僚拜舞於

下惟樞密使翰林學士相對侍立樓上丙申丁亥某扈後再登麗正門望濤江形勢環抱極壯觀也

乾道七年四月甲子詔皇太子判臨安府用至道故事也或謂當以太中大夫為判官通領府事恐名稱未正遂議改尹而以侍從為少尹餘判推官用卿監郎官丁卯將鎖院降麻或又疑宣麻給告非侍儲貳之禮己巳後省官禮官會議於史院檢照唐太宗征遼命太子監國及太帝命太子受諸司啓事或詔或制視麻為重可以作則上然之庚午偶當日被宣范紫微成大先以侍講遞宿聞報遽出薄莫至玉堂御藥

李恣其名持御封

御筆

皇太子某宜領臨安尹可依

此降制三鼓進草因奏此制書既不給告則當付有司施行竊恐皇太子別無被受欲依自來詔書體式畧換首尾書寫一通降付皇太子今擬定格式進呈如賜俞允乞速批降付下御筆批依辛未遂告大廷惟此稀濶盛典適以史官備討論詞臣叅潤色復得宸翰寶藏於家非儒生之榮遇乎答皇子詔用卿字非是前輩知體則不然其它或汝或王或公皆當有別

翰苑歲進春端帖子如大內多及時事太上則詠遊幸之類

某嘗自德壽宮後垣趨傳法寺望見一樓巍然朝士云  
 太上名之曰聚遠而自題其額仍大書東坡賴有高樓能聚  
 遠一時以拾與閑人之詩於屏間又靈隱寺冷泉亭臨安絕  
 景去城既遠難於頻幸乃即宮中鑿大池續竹筒數里引西  
 湖水注之其上疊石為山象飛來峯宛然天成某作端午帖  
 子云聚遠樓頭面面風冷泉亭下水溶溶人間炎熱何由到  
 真是瑤臺第一重蓋謂此也前後頗聞禁籞大略併記於下  
 宮中分四地分隨時遊覽東地分香遠梅堂清深竹堂月臺  
 梅坡松菊三徑菊笑清妍醪醪清新木犀芙蓉岡南地分載

忻御大堂處忻古欣柏射廳臨賦荷花子燦錦金林檜至樂池

半文紅郁李清曠屏瀉碧鱗處西則冷泉梅文杏館靜樂丹

浣溪海棠子北則絳華羅木早船俯翠亭春梳盤松其詳不

可得而知也嘗見御製盤松贊墨本云天錫瑞木得自嶽

岑枝蟠數萬幹不倍尋怒騰龍勢靜奏琴音凌寒鬱茂當暑

陰森封以腴壤邇以碧潯越千萬年以慰我心碑在宮中又

汪季路達得御製祭土地文彙真蹟寶藏之其文云維淳

熙五年歲次戊戌十一月日上皇帝遣具階張宗尹

特設牲牢旨酒瓊果香花致祭於本宮土地之神神有百職

職各不同典司草木土示是供我遊湖園乃獲奇松植之禁苑百態千容婆娑偃蓋夭矯騰龍翠色凝露清音舞風醉吟閑過予情所鍾壘培封殖久或力窮鳥鳥外擾蟻蠹內攻神其勦絕勿使能終精邪竊據盜谷遶逢神其呵逐勿使遺蹤常令勁質坐閱隆冬堅踰五柝弱異雙桐歷千萬年鬱鬱葱蔥牲牢白酒嗣錄汝功尚饗

歐陽文忠公學士院草錄世已不傳近歲有玉堂集云是李漢老邴編類示差訛非全書其中却載

皇太子府春端帖子蓋政和宣和間所供今東宮乃闕此欲

引例為請緣無善本可據且當時不曰宮而曰府遂止

王安中內

制一例  
曰間

淳熙玉堂雜記卷中

乾道七年十二月辛酉有旨僕射之名不正欲採周漢舊制改左右丞相令有司討論某時為禮部侍郎兼權直學士院又兼同修國史兼實錄修撰皆當與聞會眾議不齊而虞丞相亦為同北虜官制遷延至明年正月戊寅僅條具歷代宰相官稱申尚書省禁中即聞之明日遣中使王恣其名來聞緩故某以實奏二月癸卯得御筆云尚書左右僕射可依漢制改作左右丞相學士院降詔登時具草封入乙巳付外施行庚戌從駕過德壽宮既歸得旨赴東華門祇候

宣引日已晡聞有內宴小黃門出云恐日改引然不敢退酉  
後忽宣入宣德殿起居畢上微被酒袖出親札云比來  
一二大臣同心輔政夙夜匪懈漸草苟且之風以副綜覈之  
意深可嘉尚今因除授宜示褒典虞允文可特進左丞相梁  
克家可正奉大夫右丞相御前設小案用牙尺整蠲紙一  
幅傍有漆匣小歛研寘筆墨於玉格某鞠躬書除目進呈訖  
奏曰拜相轉官前例固不一今並命而或三或四更取上聖  
裁上曰以其協心故褒進之然特進一官即少保所以允  
文三官又問兼樞密使否上曰今樞密亦非古先改丞相

稱呼將來別理會且帶可也又奏所領書局上曰卿自理  
會賜坐奏問既政左右相其序位如何上曰欲升在三少  
之上三公之下退閣請起宣坐賜茶飲訖再拜而退御藥李  
彥直同有復道秉燭鎖院蓋上意欲其密故不用尋常宣  
官之禮金蓮故事今庶幾焉凡鎖院御藥監門中官各一員  
御藥留宿其廳鎖赦或先去是味爽再相見以小字制書  
本授之送至中門先啟鑰入內即復高院俟朝退宣麻訖學  
士乃得歸時虞公獨相梁為叅政聞班列中但謂改易相名  
及雙制出愕然或疑學士多轉右相一官有所抑揚不敢辨

也按祖宗時命相多以舊官其後往往遷秩近歲勅局修三省法乃著令轉三官茲豈當立法乎  
乾道七年七月二十六日午後快行家傳旨下學士院取從官為四川宣撫使體例蓋是時叅知政事王公明炎在蜀三年屢求歸宰相薦吏部侍郎王能甫之奇為代故來索例某令回奏云降麻官方屬本院侍從當問三省既暮忽宣鎖至院已秉燭中使出御封御筆乃王炎除樞密使依舊四川宣撫使其密如此吏寫熟狀依例不轉官但加食邑某方草制未暇細思既得筆依奏方省其誤自寫奏云  
本朝改官制後

以太中大夫為宰相官當時改樞密使為知院事中興以來既復置使首用舊弼故恩數多視宰臣未有以中大夫充者昨汪徹元是通議大夫虞允文太中大夫故不轉官今王炎止是中大夫竊慮合轉左轉左太中大夫仍加封邑庶協近制  
御筆批依時近三鼓批墨尚濕

某初直院見批答臣僚章表皆大書其後不過三兩行表紙盡則接以詔紙數幅文盡乃止然表紙高詔紙矮參差不等問之掌故並無依據心每疑之其後編於執政故家求承平時舊本偶得  
仁宗皇祐間答孫威敏公沔辭免副樞表則所

接之紙高低相若淳熙乙未再叨寓直閏九月十二日因李  
參彥穎王樞准斷章批答即具奏照皇祐體式於表後用一  
等紙書寫進呈仍乞今後準此施行御筆批依遂為定制  
宰執及親王使相太尉生日天章閣排辦牲餼預申學士院撰  
詔書及寫賜目一紙各請御寶詔用書詔之寶賜目錫賜之寶前一日差  
內使侍賜其詔例畫撰進之日謂如正月旦生文意必遂歲  
首而所畫日則是去臘殊不相應某為直院奏乞不拘進詔  
早晚但實畫生日於後得旨後之遂為定制祖宗時牲餼  
外又錫器幣往往就差子弟姻戚持賜欲其省費也過江惟

牲餼耳米麩本色半準價皆取之有司酒則臨安醞造臨時  
加以黃封拜賜訖與使者同升廳播笏展讀就坐茶湯書送  
錢十五千從人三千天章閣使臣庫子快行錢酒各有差  
淳熙三年八月庚辰德壽宮遣大璫張去為至都堂傳旨  
立翟貴妃為今上皇后明日午後執政奏事皇后歸姓謝  
氏乙酉晚快行家來宣鎖院是日侍講刑部侍郎程泰之已  
宿直呼馬而出予至內前適與之遇泰之揚鞭云留詩案上  
矣酉時自東華門入對選德殿上曰太上有旨立謝后  
命卿草制某奏合畧及歸姓否上曰不如如此四方向由知

明言幼隨乳母可也宣坐賜茶訖御藥王濛同入院二鼓後  
進草畢吏呈泰之詩云抖擻身章却冒塵裊蹏顧影也遂巡  
鑿坡寓宿非其地蓮燭探文自有真字直由來同古語位高  
兼復見今人迎潮有諾無輕爽季老當年不諉貧謂賜金也  
予次韻戲之云天街並踏軟紅塵飛控交馳駭徼巡椒殿敢  
期當制草槐庭元擬用儒真初謂年元鬻方偶免冬龜手入相鎖院遠  
市深慙旦攫人禮絕同僚應有日重霑潤筆乃無負謂相制  
亦賜金也先是七月十九日六會長貳六人往浙江亭觀潮  
泰之在焉惟予以內直不赴晡時大雷雨走筆戲蔡子卒沈

云雷轟萬鼓勒潮回無復亭前雪作堆應為尚書慙旦澁育  
風恠雨一時來迎潮輕爽之語指此

淳熙三年八月乙未都堂召議賜交趾來年曆日詔書予謂李  
天祚去冬已薨龍翰未經封拜欲作安南國王嗣子龍翰執  
政然之先是予以兵部職事條具天祚贈典按故事其王初  
立即封交趾郡王久之進南平王死則贈侍中南越王上以  
天祚自紹興丁巳嗣位今四十年淳熙元年二月又自南平  
王特封安南國王故欲厚其禮予請仍贈侍中追封南越國  
王詔可之安南為國蓋曾丞相之失聞奏章行移舊止稱安

南道加封之後浸自尊大文書稱國不復可改丁酉三月二十四日制授龍翰靜海軍節度觀察處置等使特進檢校太尉兼御史大夫上柱國安南國王食邑三千戶食實封一千戶仍賜推誠順化功臣予適當制其云即樂國以鞏封既後世襲極真王而錫命何待次升蓋言不封郡王也交州在唐為安南都護府 本朝太宗時黎氏奪丁璿節度大中祥符二年李公蘊復篡之傳子德政至孫日尊嘗稱帝改元日尊卒乾德嗣卒陽煥嗣卒天祚嗣卒龍翰嗣生數歲矣制云乃眷一邦茲傳七世自公蘊言之也其名曰日曰乾曰陽曰天

曰龍皆有僭上之意然表章字如蠅頭幾不可辨 玉音每嘉其恭順云

淳熙三年九月二十五日鎖院付下中書門下省熟狀趙伯圭除使相提舉洞霄宮某奏按故事宗室戚里或前宰執帶節度使多充宮觀使若至使相自領使無疑昨史浩以使相提舉宮觀者誤也恐自此遂以為例今具士樽錢枕等例皆是以使相充宮觀使在外便居住者合取 旨改正一更四點進入五點上批可依士樽等體例除宮觀使 是年十一月二十二日 御封付下叅知政事錢良臣辭免監

修國史日厯所劄子降詔不允某因奏自來宰執兼領書局多是內尚書省批出局名既至朝廷降勅合行寫正而省吏止奉行內批宰執亦隨勅黃繫銜差誤日久今因答詔輒具言之國史日厯者書名也曰所者官司也今大臣合監修日厯却添一所字以監修造作之官又如勅令所從官詳定宰執提舉今却云提舉勅令所此何理也以至國史院會要玉牒皆為一律合行改正 上以為允其後或是或否復混淆矣

丁酉九月丙辰 宣詔侍讀史少保浩錫宴澄碧殿抵莫送以

金蓮燭宿玉堂直廬上命作詩序此會史進古詩三十韻云  
季秋中澣日淳熙隆四禩朝回攬轡間中使俄傳 旨少頃  
日轉申 宣召陪燕喜預令掃玉堂深夜備棲止悚懼跼  
命鳴騶亟穿市絳闕聳皇居非煙常靡靡入自東華門熊羆  
森爪士詔許乘肩輿安徐無跛倚復古距選德相望幾數里  
修廊接雲漢岩堯瓌珠藻中途敞金扉恍若逢壺裏郡山擁  
蒼壁四顧環弱水山既日夕佳水亦湛無滓冰簾映綺疏瓊  
殿中央峙澄碧耀宸奎龍神爭守視蹈舞上丹墀 天威不  
遠咫尺奉觴祈萬壽時蒙一啓齒餘波丐鼠腹酒行不知幾侏

漢南樂府詩書  
徊下瑤席緩步煩玉趾後遊至清激錫坐談名理泉聲韻琴瑟一洗箏笛耳皇云萬機暇觀書每來此論道及帝王直欲齊其軌堯舜禹湯文前身無乃是臣言匪獻諛道實由心起既然明是心要在力行耳登橋醕餘壘飲興未容已金蓮引雙燭再拜離階所玉音寵諭臣此會宜有紀歸途感恩榮占寫志歌  
上御製俯同其韻云揖遜荷帝堯寅恭五元禩治道貴清靜聖言有深旨誰歌元首明自得股肱喜躋民期仁壽詎肯中道止方農桑彼田坐賈安於市歲行閱豐登國論鎖委靡予力初何能濟濟賴多士矧予有元老中立

而不倚居東逾三年不遠來千里未遂赤松遊輟誦青琅藥皓首持六經日侍明光裏翼乎鴻遇風縱矣魚在水儒行絕瑕疵道心無塵滓挺挺松柏姿巉巖山岳峙予惟日萬幾至仁同一視西城錫小宴促坐才尺咫湛露愧歌周置酒非封齒歸美見新詩如卿能有幾眷言澄碧行勝賞得迂趾亦屢引公卿對此談政理虛心欲受人忠言資逆耳朕瘠天下肥至樂無易此頗念文武疆六合尚殊軌東都會諸侯宣王昔於是期爾罄嘉謀使我勲業起勿以方燕頤所書聊復爾卮酒正須醕話言未能已都護萬年觴何當至庭所文章籍老

手直筆中興紀載嘉矍鑠翁焉得辭散散逮十一月壬寅輪  
當內直申時二刻宣召至清華閣上曰學士宴見無時最  
為新近朕和史浩詩待錄示卿可和以進此學士職也又云  
卿想不甚飲比賜宴時見卿面赤却至誠不辭既退中使李  
肅傳旨賜詩本并戊戌小春茶二十銖葉世英墨五圍以  
代賜酒世英御前墨工也恭進和篇云粵從三代還歲月過  
千禩時豈無賢君道未契宸旨陛下屢語臣三代而煌煌唐  
太宗勲業在所喜寇攘既掃除蠻貊畢至止循良布郡邑惠  
政寬獄市忠賢儼班聯切諫杞浮靡闕輔羅府兵巖穴聘奇

士民生覆孟安國勢泰山倚皇心期過之風下九萬里忠厚  
培本根文物粲華藻淳熙視正觀何啻相表裏屬車尚濤江  
列障隔淮水蠹茲獯鬻氏作我大清滓坐令營屯衆久費糗  
糧峙中原厭狼貪諸將空虎視安得貫砮楛來貢尺有咫六  
合混一家耕桑盛生齒願言講治道先務當有幾欲仁斯仁  
至惠在未舉趾而况前史中遺事可循理衛英爪與牙王魏  
目兼耳處中賴房杜虛受忘彼此不聞國異政但見車同軌  
孰云古道難僉曰今王是寸陰聖所競盛德日方起舞干格  
三苗其効七旬爾軻稱仁無敵傳謂禮可已東鞮及北女看

即朝玉所南山竹易彈。陛下功難紀，儒館謾獻歌。將柰詞之敝，是日奏事畢，問陛下命臨安府開文海，有諸上曰：欲奏云文選之後有文粹，已遠不及，所謂文海乃近時江鈿編類，殊無倫理，書坊刊行可也。今降旨校正刻板，事體則重，恐難傳後，莫若委館閣官銓擇。本朝文章成一代之書，上大以為狀曰：卿可理會奏乞委館職。上曰：待差一兩員，其後遂付呂伯共祖謙既成，上聞何以為名，某乞賜名。皇朝文鑑。上曰：善。又降旨令某作序，亦既進呈，將刻板會有近臣密啓云：所載臣僚章疏毀及祖宗政事，遂不果刻。今其

書士大夫或傳之

淳熙五年閏六月十二日鎖院付到熟狀。皇子魏王自荆南集慶軍節度使開府儀同三司行江陵尹判明州改成德彰信軍節度使行荆州牧某奏彰信是曹州。徽宗曾為節度使即位後升興仁府，又親王帶牧合隨本鎮。今成德軍即真定府却帶荆州牧，非是。上批別擬大鎮，進入選點，更具本鎮帶牧故事。某又奏去夏魏王除荆南節度使江陵尹，誤犯端拱中。真宗除授昔政和中已失檢照，今因改鎮不敢不審。兼兩鎮合帶兩牧，仍隨本鎮併於實錄中檢故事以進。夏

夜甚短奏入已三鼓至四鼓末批出只於兩鎮上就本鎮

上帶一牧某遂擬永興成德軍節度使雍州牧進入項之點

定然後進草禁中未就寢以待禁中四鼓乃在外三鼓

故事食邑千戶以上封侯若拜相雖舊爵卑食邑少亦徑封侯

蓋五等伯子男用縣名至侯則升郡當降旨時未知所封何

郡第云進封開國侯而已秦丞相薨後初拜沈守約該左相

万俟元忠尚右相沈爵歸安縣万俟陽武縣各從其鄉也既

相合併郡侯而學士院遂進沈為歸安郡万俟陽武郡初非

郡名其誤甚矣當時偶不知改久之因進書轉官方能釐正

至今遇恩升郡臣僚院吏及吏部尚復差舛謂如元係吳興  
縣開國伯則合云進封吳興郡開國侯却云吳興郡進封開  
國侯殊無義理予每為正之

北門掌內制西掖掌外制是謂兩制又著令自觀文殿大學士  
至敷文閣待制為侍從官朝廷或詔近臣舉賢議事多云

兩省諫議大夫以上尚書省侍郎以上而別言御史中丞學  
士待制乃為詳備近世相承通稱侍從固已疑混若泛言兩

制則非矣

紹興二十四年春直學士院湯公思退以禮部侍郎同知貢舉

時百官多闕大抵一人兼數職凡進士出身皆入試闈獨留  
監察御史王公綸蓋備折號也內制既闕官遂降 旨暫權  
遣草劉婉儀進位貴妃制 太上稱其有典誥體潤筆殆萬  
緡賜研尤奇秦丞相不彙遭論列而去秦薨召還掌內外制  
知樞密院事垂相而病除大資政留守金陵即其鄉也未第  
時兄弟就食府庠至是人以為榮尋卒官予在西掖嘗草其  
致仕制云少則歌鹿鳴而薦於鄉老則釋麟符而居其理考  
昔人而或有在近歲以幾希贈官制云古所謂鄉先生者沒  
則祭於社而後世良二千石民亦奉嘗之爾於二者蓋兼之

以皆紀實也

故事正除六曹侍郎及雜學士以上遇辭免皆降詔不允給舍  
并權侍郎則否紹興二十七年六月戶部王侍郎師心辭給  
事中亦降不允詔書蓋舊官合答詔也是歲九月權禮部賀  
侍郎允中除給事中辭免亦降詔乃誤襲王例非故事也至  
三十年正月權工部王侍郎晞亮遷夕拜不復降詔得之矣  
明年九月權禮部金侍郎安節亦遷夕拜又誤降詔自後往  
往無定論院官隨事申明改正為善



文定公是也然終不自安乞郡而去紹興初范元長沖除學士以趙丞相鼎姻家特復置侍讀學士以處之及秦丞相檜當國元梓實為學士子嬉繼為學士承旨亦嘗為禮部侍郎雖並緣元祐故事其實非也

國初以為學士官至八坐已罷職或再來直院神宗改官制後中丞并權六曹尚書若兼內制亦止云直學士院舒亶等是也中興初詹又已為龍圖閣學士猶曰權直院其它如正侍郎已下多帶兼權汪藻等是也厥後程克俊林待聘楊愿等初以給舍兼權稍久乃落權守以為恩數至正尚書則

帶兼權學士胡交修等是也乾道三年洪景廬邁奏請自庶官遷侍從便落權字正兼直院故先以起居郎權直院既遷中書舍人即落權字庚寅秋予以少蓬兼權直院明年正除權禮部侍郎吏引近制申明合正為直院予固抑之兼權如故翰長王日嚴儼亦不復問其後王季海准以太常少卿兼權直院既除三字即徑落權遂為定例淳熙五年十二月某自翰林遷禮書乃正兼學士蓋上以所兼之官在正官下者皆不帶權非舊例也六年十一月遷吏書又升兼學士承旨且有內批付院云天官事繁今後非特旨撰述其餘並免

上自登極至今將二十年正除翰苑纔七八人皆登二府惟王  
日嚴以年踰七十除端明殿學士而去書又作無學士  
乾道癸巳曾丞相懷鄭叅政聞張樞密院在二府或薦新改官  
正字崔大雅興詩入內庭以其資淺乃創翰林權直之名月  
俸減學士直院三之一自學士承旨至庶官兼  
權直院者俸給一等院中餐錢不  
減明年冬以父憂去尋丁母憂戊戌秋服闋後名為密院編  
修官史丞相浩當國下史院討論兼職名稱遂改為學士院  
權直蓋以翰林乃內司總名難專指學士院也  
淳熙六年明堂大禮崔大雅已遷著作權直如故糧料院止隨

其官幫支賜二十疋兩大雅以狀申秘書省省申朝廷趙丞  
相雄將上取旨遂用月俸例支學士三之二

祖宗試文多在學士院近歲惟試館職耳既得省劄名某人試  
即下大史局擇日報內侍省差官一員充監門前一日學士  
宿院進策題俟內批依次早乃引試支左藏庫錢三十緡充  
餐錢試畢錄策題并試卷依紹興元年指揮用詔報封送尚  
書省然後取旨除授中間館職多不試紹興三十年司諫何  
通遠溥以為言太上欲復故事而人頗憚試首名朱熙載  
等次名劉儀鳳等皆辭不就太上諭湯丞相思退等擇二

人必令試且云蘇軾中制科猶試况餘人乎於是以及同年程泰之大昌應詔具宣上旨乃不敢辭已而太上帝除校書郎或謂過江選人無此例止除正字乾道六年九月予以秘書少監寓直翰苑發策試王仲衡希呂嘗賦詩寄程同年云當年給劄踏金鑿重到依然九月寒學士策詢學士策館職亦全秘書官試秘書官自憐綠鬢非前度尚喜青衫總呼學士一般服時予緣寄語浙東程閣老程時為浙東提刑兼權帥事亦嘗暫直翰苑莫於紅旆笑儒酸程答詩末句云有底滑稽堪羨處金蓮燭底話窮酸始予庚辰九月與程同試兩人名皆有八字明年試蔣

芾為燁姓名俱連草頭又明年試王東里程千里名連里字頻歲偶爾亦可書也按祖宗朝館職者指昭文集賢史館之職也在內多升修注出外則為帶職凡轉官奏補恩數皆厚故艱其選必試而後除亦以限止無能之人自神宗罷館職止是秘書省官與其它職事官無異不當尚循館職之名况狀元不試餘人多徑除著作丞郎所試者校書正字而已舊制云試前一日學士宿院故元祐中蘇文忠公與鄧文惠公溫伯各進策題禁中點用文忠所作及予與程同試時學士洪景嚴兵部尚書兼權學士楊元老椿亦並入至是予與

鄭仲益同直鄭為長官典故浸移乃始輸入不敢強之其後予再直丙申二月召試許蒼舒遂修故事約程元成叔達並入策題則輪撰

隆興初上用真宗故事輪講筵學士院官直宿禁林每夕兩員以備宣引咨訪往往賜酒留款其後以兩人難留名若同召則議論難盡止命一員遞宿自後益遴其選或國忌妨行香若有故員少及大暑皆權免間遇除授宣鎖講筵官已入直率聞命蒼黃而出至有不及伺候後吏借馬於內諸司者或偶值本院官直宿就留鎖院若大除拜當有錫賜則不

繫當日與否往往特宣云

每直兩日謂之頭直末直

紹興辛巳明堂禮成以元顏亮背盟十月四日詔今次明堂大禮合加恩臣僚權宜不鎖院不宣麻止降制給告並免辭免候事定日依舊隆興二年邊事改卜效乾道三年冬雷罷二相皆未暇舉行乾道六年某始奏復舊制

內制名色不一倣值時或詳其體式故凡詞頭之小者院吏必以片紙錄舊作於前謂之屏風兒予嘗跋王岐公蘇文忠公詔草及謝表備言之至今不廢蓋其未久矣國初陶穀謂一生依本畫葫蘆殆謂是耶

凡鎖院或親被 旨或受熟狀本院即關閤門今月某日有鎖院事閤門得之即關報御史臺集文臣職事官承務郎墮務官通直郎以上明日赴文德殿聽麻宰相樞密皆不往惟輪叅知政事一員押麻卷自內出閤門啟 御封兩吏對展宣贊舍人南面搢笏叉手大聲擗首尾詞及階位姓名下數句并所除之官而讀之不盡宣也聽訖知閤門官以授叅政叅政付中書吏百官不拜而退若大詔令及冊后之類則宰執文武百僚俱入文亦盡讀拜舞然後退

禁中以鎖院為重淳熙三年 慶壽赦凡降麻官合加恩者用

辛巳明堂例免鎖院宣制仍勿辭免九月三日中書進熟狀魏王愷恩卒郡王璩未陽郡王居廣並加食邑食實封只乞降付院草制內夫人失於詳閱宣鎖程直院是夜進草明日告廷如式又明日内批付密院典字直筆吳慶慶降充紫霞帔不令供職主管大內公事慶國淑懿夫人劉從信降兩字夫人蓋懲其誤也

凡非時宣名院官侍從已下及外紫窄衫絲絢行入殿廊有小黃門來導至便坐上服紅半辭忌前黃門贊拜揖升殿奏對訖上曰且坐先已設小兀子得 旨則側身虛揖而坐將

退黃門贊云宣坐賜茶於是中官進御前者忠佐授臣僚者賜酒亦然所用盃不同侑以果實一飭其器分大小若二府則黃門雙導上亦服窄衫宰相樞使坐高兀子執政紫團坐而低賜茶酒亦如之或曲宴則酒五行亦或加多每盃賜食初無定制

中興後凡除拜節鉞以上多由中書進熟狀院吏云鎖中左者文臣也右選者武臣也逐房臨時呼院吏取索是以知之惟草后妃太子宰相麻則不容知快行數十輩來宣召云鎖小殿子既至便殿上服帽帶諭以除授之意御前列金器如

硯匣壘尺筆格糊版水滴之屬幾二百兩既書除目隨以賜之隆興初猶用此例乾道以後止設常筆硯而已退則有旨打造不及例賜牌子金百兩立后升儲倍之

凡除拜加恩官在都下者既宣麻而院吏私錄本走報希覬贈遺初無公移也而被受之官辭免者多云準學院報麻除授云云此非典故不應相承以為例

獎諭臣僚或降詔或勅書院中自有定式近歲如大理獄空及監司守臣有勞績若是庶僚皆合降勅書三省樞密院往往誤批降詔院吏隨所得旨而行不敢正也

翰苑印以翰林學士印六字為文背鐫景德二年少府監鑄上  
兩字微利自南渡京百司印無此久者尚書六曹惟禮部印  
是舊物然亦元豐改官制後所鑄蓋文書稍簡故不初耳  
紹興辛巳五月詔學士院權寓皇城司而以為院

欽宗几筵殿終制復舊  
學士院舊號北門今在行宮和寧門內蓋沿北門之制地迫皇  
城極為窄隘汪尚書應辰兼權學士時上屢令增葺竟以無  
地步而輟廳後即堂緣近歲院官止二員故分東西兩閣中  
有小龜頭榜曰搗文堂蓋在京 徽宗因廣直廬御書以賜

強承旨淵明今乃汪彥章內翰藻所篆

太上又嘗書玉堂

二字賜學士周茂振麟之刻石廳上

東閣窗下甃小池久無雨則涸傍植金沙月桂之屬又有海棠  
郁李玉繡毬各一株西偏植金橘逼城根株不能大花開時  
香滿院結實雖小而甘浙中未易得也淳熙己亥夏侍講兵  
部尚書兼給事中王仲衡入直示兩絕句云玉堂晝永暑風  
微菽菽飛花落小池徙倚幽欄憑問訊夏鶯飛出萬年枝水  
池倒影弄餘輝照耀虛簷極出奇水杪不鳴風力軟闌萍翻  
藻有魚嬉予次韻云東省南宮切太微夔龍行集鳳皇池更

哦殿閣薰風向坐覺微涼生桂枝紫禁同依日月輝蒼顏獨  
愧羽毛奇水如明鏡雖堪俯笑汝星星誰肯嬉予嘗發策試  
仲衡至是同為八坐俱在講筵唱酌頗多是詩及院中景物  
故記於此  
朝殿日皇太子宰相親王使相叅政各有朱衣吏二人自下  
馬處前導至殿門樞密使恩數依宰臣者同若知院及副樞簽書則紫衣此外惟翰林  
學士有之又禁門內許以茶鑪檐子自隨與執政等  
車駕將出孟享或過宮則應奉官及侍從以上朝於後殿宰執  
有奏事侍從先退例過玉堂少憩若值冬至元正則團拜堂

上俟駕過就院門外上馬以從

南渡以來朝臣遇節序賜予多權停今經筵寒食重五冬至尚

賜節料錢酒其他侍從則三大節客省簽賜羊酒米麩而學

士院官若侍從以上兼領自後本官或庶僚權直院獨三伏

賜冰一檐時果五品品纔一楪亦因與經筵官輪宿而得之

書局有中官承受凡遇時節例淳熙乙未初伏某以待制侍

講賜流香酒四斗後二年減半時果七楪冰一檐視庶官直院為

稍增以短表謝支快行家食錢三千又支酒錢三百別賜冰

一檐翰林司關子云限支食錢一千蓋侍從所得者

十月旦賜錦襖子學士觀察使簇四金鷗尚書執政八搭暈錦  
宰臣使相天下樂例從左帑帑支得不以時臨期隨品色假  
為領袖施之朝服三日而止識者非之予自翰苑遷八坐已  
亥十月值後駕恭謝景靈宮兵部尚書王仲衡未達朝儀弟  
用市錦予告之故計無所出予輟所服與之而馳取舊金鷗  
者自用暨追班問門吏魁趙軫與其徒願予評語予悟其意  
呼而告以雖班尚書猶兼翰林學士故可捨高從卑軫等愧  
謝而退

渡江後每遇開講罷講臨安治具侍講讀修注官紹興三十二

年予為左史趙清卿子瀟知臨安初獻議盡罷百司饋送及  
所供飲饌時洪景嚴以內翰兼侍讀開講日學士院自置酒  
五行是後遂為例乾道六年予與鄭仲益兼直院鄭兼侍讀  
是秋開講鄭主席謂予亦院官當與其事予但簽書招客之  
目而以不兼講讀不赴坐時胡邦衡銓以工侍兼侍講坐中  
賦單字韻詩見及予次其韻有云寓直敢同東道主蓋謂是  
也

翰林學士初上舊制勅設甚盛中興後不復舉行予值院時  
除王日嚴為學士院中支餐錢且五杯而已

故事大宴未再坐間學士院常為館閣官具食蓋 祖宗時內  
外制官無不自三館出館中之人往往前日僚友之舊道義  
之交不專以勢利高下為心故每於是日小集後容談咲也  
近時具食雖如故乃設於學士院門幕次內蓋未嘗見玉堂  
主人也竊意前輩不爾淳化中 太宗以飛白玉堂等四字  
賜翰林而學士承旨蘇易簡會兩制於玉堂直秘閣潘謹修  
與焉畧可見也已上乃近世程致道俱麟臺故事所記乾道  
七年 天申節貢院賜齋筵予時以少蓬兼內直乃督院吏  
治具吏白厨庫乏錢兼近已不諱予曰故事既難廢况予身

貳秘書而罷此禮乎命如故例然不過盥餐之類爾

某久在翰苑獨員之日常多率數月輒丐去上必批降詔不允  
院吏申省乞時暫差官撰述乃委中書舍人如此再三遂為  
定例徑封奏劄付中書後省

數年來上數令薦詞臣為代明示大用意某每退避戊戌九月  
丁丑御藥院傳旨問近例院官有無三員者吏具 上初政  
承旨洪遵學士史浩直院劉珙又問紹興間故事吏復具八  
年曾開勾龍如淵皆為直院而召孫近承旨三十一年何溥  
為學士而虞允文劉珙並直院後旬餘崔大雅服闋還朝上

日卿來適其時遂再兼權直十月復增莫子濟濟尋卒其後  
繼增趙大本彥中熊子復克子遂叅預


某試館職時

太上稱其文諭宰執陳公康伯朱公倬云它日令掌制

今上受禪兩月自六察擢左史初對玉音云向在王邸見  
卿詞科擬制雅宜代言不旋踵遂兼三字其後兩入翰苑首  
尾十年自權直院至學士承旨皆徧為之其荷

兩朝知遇至矣歲月既久凡涉典故及見聞可紀者執筆之  
淳熙庚子進位二府蘓易簡玉堂之思每切於中因命小子  
綸衷為一編略加訂正其間多涉幾微非止溫木或刪或留  
僅得五十餘條前後胙錄彛無詮次釐為三卷或可附洪氏

翰苑羣書之後云壬寅八月十二日周某題  
 翰苑羣書之序其間多缺卷幾非正區本在冊左  
 序類序子集之二冊卷之五至卷之十每冊中因各  
 兩陳味題至矣歲日初八日歲與故及見聞可  
 異十年自歸直寫至學士後首皆能其  
 既閱拜謝曲錄宜必言不致整後幾三卷其後  
 今上歲年正月自六卷歸至文  
 太土歸其文滿筆燒朝公  
 某書



大正



上海圖書館藏

